

卷之四
目錄
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

四庫全書

卷之四

中國邊疆史志集成

內蒙古史志
58

全國圖書館文獻
縮微復制中心

承德府志卷三十九

列女

昔漢劉向傳列女母儀賢明不拘一目而節義爲特重承德俗尙貞烈女之捐軀殉義暨誓志柏舟者代不乏人凡已見前史與

國朝旌典所及悉登諸簡若夫幽光未耀有待貞珉亟宜表章以敦厲風化茲敘次滿洲漢人蒙古採訪得實者存歿均爲彙載臺築懷清光昭彤史闡揚所及不敢輕爲存佚也志列女

唐

宜芳公主楊氏天寶四載三月封外孫楊氏女爲宜

芳公主出降奚饒樂都督李延寵九月奚酋長殺

公主舉部落叛

舊唐書元宗紀 全唐詩小傳作宜芬公主本豆盧氏有才色天寶

四載奚霫無主安祿山請立其質子以公主妻之上遣中使護送至潯池驛哀怨作詩一首題屏風曰出嫁離鄉國由來行路難聖恩愁遠道行路泣相看沙塞容顏盡邊隅粉黛殘妾心何所斷他日望長安其事蹟皆在天寶四載疑宜芬卽宜芳也特一作楊氏一作豆盧氏未可解

遼

邢簡妻陳氏營州人父陞五代時累官司徒陳氏甫

笄涉通經義詩賦一覽輒誦尤好唵咏時以女秀才名之年二十歸於邢簡孝舅姑閨門和睦親黨推重有六子陳氏親教以經後二子抱朴抱質皆以賢位宰相統和十二年卒睿智皇后聞之嗟悼贈魯國夫人刻石以表其行及遷祔遣使以祭論者謂貞靜柔順婦道母儀始終無歉云

遼史列女傳案經

樓一在應州城內遼郎中邢簡妻陳氏夫人教子讀書處見大同府志

韓慶民妻不知何許人亦不知其姓氏慶民事遼爲宜州節度使天會中攻破宜州慶民不屈而死以

其妻配將士其妻誓死不從遂自殺世宗讀太宗

實錄見慶民夫婦事嘆曰如此節操可謂難矣

金史

案厲鶚遼史拾遺載天祚亡殉國者寥寥故遼史無忠義傳慶民亦忠義中一人史何以不爲立傳其妻不屈於金而死宜改人遼史列女傳而遼宜州屬今朝陽縣土默特左右翼地故錄于此

金

王維翰妻姚氏維翰利州龍山人爲定海軍節度使

避難率吏民結營堡自守力窮被執姚亦不屈與

維翰俱死詔贈芮國夫人諡貞潔

金史王維翰傳

元

柏都養兒大寧和衆縣何千里妻至順二年夫亡以

身殉葬旌其門

元史文
宗紀

趙哇兒 安氏 張氏 劉氏 謝氏 蕭氏 魏

氏 白氏 趙氏名哇兒大寧人年二十夫蕭某

病劇謂哇兒曰我死汝年少若之何哇兒曰君幸

自寬脫有不諱妾必從君地下遂命匠制巨棺夫

歿自經死家人同棺歛葬焉又有大寧趙臙兒妻

安氏陳恭妻張氏武壽妻劉氏宋敬先妻謝氏薩

里妻蕭氏興州某氏妻魏氏利州高托卜嘉妻白

氏並以早寡不忍獨生以死從夫事聞悉命褒表
或賜錢贈恤云

段氏良家子與七姬事浙江省左丞柴陽潘公皆爲
側室及敵抵境公曰臨戰一日歸召七姬謂曰我
受國重寄義不顧家脫有不宿戒若等毋爲人嗤
也一姬跪而前曰主君遇妾厚請及君時死以報
遂趨入室以悅自經死于戶六人者亦相繼經死
段氏大寧人年十八其先死者也

張羽七姬墓權
厝志 案七姬

墓在蘇州府城內以段
氏爲大寧人故錄之

額森呼圖克 玉蓮額森呼圖克蒙古欽察氏大寧

路達嚕噶齊特穆爾巴哈之妻以夫恩封雲中郡
君夫坐事免官居大寧至正十八年紅巾賊至與
妾玉蓮走尼寺中爲賊所得令與衆婦縫衣罵曰
我達嚕噶齊妻也汝曹賊也我不能爲鍼工以從
賊賊怒殺之玉蓮因自縊者三賊併殺之先是其
子旺扎勒特穆爾年十四與父出城見執於賊拜
請以身代父死賊愛其姿秀遂挈以從久之乃脫

歸訪母屍並玉蓮葬焉

元史列女傳

國朝

承德府

贈奮武郎于起仁妻田氏矢志守節乾隆二十三年

請旌建坊

袁某妻劉氏承德府人守正捐軀嘉慶六年旌

武生錢玉成妻張氏年二十九玉成卒子幼姑老氏

守苦節數十年如一日子永和性孝孫四長曰杞

爲諸生有文譽曾孫林立人咸謂節婦之報

姜成化妻宋氏年二十八而寡姑老且病氏仰事俯

畜具歷艱苦子富有鰥再室不數年死兩世孀居
熒熒無告子婦馬氏有襁褓女與前室遺息並撫
之勵節奉姑一稟氏訓尋取族子爲夫後馬氏孝
廉溶女

楊富妻叢氏年二十五富卒氏撫孤守節至七十五
歲以壽終子永平妻于氏年二十九而寡遺孤遇
奇婚李氏甫六年亦寡李氏時方二十有五三世
同貞今待旌焉

張桂林妻李氏年二十四夫亡舅憐其少諷令改適

氏不可茹苦奉侍代子職舅姑感其孝每語人曰
有婦如此不知無子之苦也夫何憾

姜瑞妻生員文藻母張氏年二十九而寡守節今三十餘年

山東李際泰妻吳氏承德府人于歸後偕回籍際泰
旋歿三子幼家貧無以自存兄迎之歸諷令改適
氏誓死不從今垂六十有三歲貞心苦志鄉鄰重
之

原大治妻張氏年二十四而大治卒姑病廢飲食溲

遺惟新婦是倚氏謹事之十餘年無倦色大治之
歿也孤希曾甫四歲氏教育之至成立氏今逾六
旬待旌

王氏年十八適同里之裘大慧結褵一載大慧客死
氏方婉耗適至家人戒不使聞後鄰媼以聞告氏
一慟瀕絕繼念呱呱者所寄甚重乃強起撫孤矢
志苦節四十年足不出戶人共憫之

孟承綱繼妻張氏年二十六承綱卒無子翁爲立繼
以延祀舅歿營葬如禮茹苦自給今守節三十年

張鈞妻錢氏卽錢玉成之女夫早卒子女俱幼氏年
未三十撫孤守節依兄永和爲活子作舟讀書爲
諸生

陳兆鳳妻姚氏夫卒三女在室子尤少氏甘貧守節
今年六十有六

梁仁妻葛氏年二十九夫亡遺子幼氏撫孤守節今
三十四年

莫氏醫人大訓女早失恃育于繼母年十七適同里
之遲中仁舅嚴姑病氏孝事惟謹逾八年中仁卒

家貧子女俱弱氏矢志守節

吳廷柱妻王氏年二十七廷柱歿家貧子幼舅姑無以養氏勤鍼黹營餽粥以奉守節今三十九年

吳裕珍妻勞氏卽廷柱之姪媳也年二十二夫亡遺子桐華舅姑老氏孝事如叔姑今年六十矣一門雙節鄉里稱之

孫氏村民王彥之母夫亡氏二十有一姑老子幼茹苦矢志至七十七歲卒守節蓋五十年

郭祥妻徐氏年二十八祥卒氏矢志守節五十餘年

郭喜妻孫氏卽郭祥之姪媳也年二十七而寡家貧
無子苦節自守

李承勲妻孫氏年二十九矢志撫孤子玕媳滕並以
孝稱氏今九十有四守節已六十五年

趙廷勲妻曹氏守節今三十七年

山東柴如玉妻朱氏承德府人年二十九夫亡無嗣
夫弟如意貧不能婚氏爲聘而娶娣生子氏喜曰
可以慰吾夫矣攜抱撫字不異已出守節今三十
四年

姜文玉妻戚氏年二十二夫歿無子仰藥以殉家人
奔救得甦指誓天曰撫族子芬以承夫嗣今七十
有八守節已五十六年

姜巽言妻王氏年十九適巽言數歲不育巽言置妾
生一子及女未幾巽言卒妾求去氏慨然曰堂上
衰齡膝前黃口何可去妾不顧氏忍痛視息慈孝
兼至越二年舅姑相繼歿殯葬盡禮守節今三十
一年

趙志恒妻劉氏年二十夫死子幼苦節三十年